

REFERAT IIIA - Isumaginninnermut Inunnullu Innarluutilinnut Ataatsimiititaq d. 09-03-2021

Mødedato Tirsdag d. 09. marts 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	7
Oqartussaqaarfimmi siunertatut kifpartuussinermilu anguniakkat.....	13
Utoqqaat Siunnersuisooqatigiivisa ataatsimiittarneri pillugit ataavartumik ilisimatitsisarnerit.....	16
Majoriaq - 2021-mi Sammineqartussat.....	19
Nuummi pitsaaliuiniarluni angerlarsimaffinnut pulaartarneq pillugu ilisimatitsissut.....	23
Najugaqarnermut aningaasaliissutit.....	26
Aalajangiiffigisassat.....	29
Suliat Aningaasaqarnermut Inuussutissarsiornermullu Ataatsimiititamut Kommunalbestyrelsimullu	30
Taasariaqartut allat.....	31
Lukket.....	32
Imaqarniliap akuerineqarnera.....	33

Punkt 0: Saqqaa

Inge Olsvig Brandt (IA), siulittaasoq

Lone Rosengren Pedersen (IA)

Knud Mathiassen (IA)

Nadia Olsen (D)

Rolf Pike (S)

Beslutning

Ataatsimeeqataasut: Inge Olsvig Brandt (IA) Lone Rosengreen Pedersen (IA) Rolf Pike (S) Nadia Olsen (D)

Oqarasuaatikkut: Knud Mathiassen (IA)

Punkt 1: Oqaluuserisassat akuerineqarneri

Beslutning

Oqaluuserisassat akuersissutigineqarput

Punkt 2: Nalunaarutit

- 2a. Siulittaasup nalunaarutai
- 2b. Ingerlatsiviup nalunaarutai

Beslutning

2a.

2b.

Suliffeqarnermut Isumaginninnermullu Ataatsimiititap Tilioq innarluutillit pillugit inatsisip atuutilersinneqarneranut killiffik pillugu ataatsimeeqatiginikuuaa. Kommuninik tamanik ataatsimeeqatiginninnerit Tiliumit ingerlanneqarput, kingornalu allaaserisamik ilanngutassiisarluni. Una Sermitsiaq AG-mi tapiliussatut ilanngunniarneqarpoq.

Sapaatip-akunnerani 9-mi utoqqarnut tunngasuni Tasiilamiit angerlarsimaffimmi ikiorteqarfimmi aqutsisup peqataaffigisaanik aqutsisut workshopertinneqassapput. Tasiilami angerlarsimaffimmi ikiorteqarfimmi aqutsisup nunaqarfimmi angerlarsimaffimmi ikiorteqartartunut nakkutiginissai suliassaraa. Workshopertitsinermi aqutsineq akisussaaffillu qulequtaapput - naleqartitat tunngavigalugit aqutsineq - utoqqarnut tunngasuni anguniagassat

Suliffissaqartitsiniarnermut Immikkoortortaqarfik aqutsinermut atatillugu Ittoqortoormiini Majoriaq pulaarpaa. Pulaarnermi pineqarluni sulisunik piginnaangorsaaneq, iliuusissanik pilersaarusionerq periusissallu. Ittoqortoormiini Majoriaq assigiinngitsunik ataatsimiinnernut aggersaanera innuttaasunit inuussutissarsiortuniillu soqutigineqarluarpoq. Suliffissaqartitsiniarnermut Immikkoortortaqarfiup tamatuma angusaqarfiulluarnissaa aamma pisortat suliffeqarfiillu namminersortut tikeraarneq tunngavigalugu suleqatigiilluortoqarnissaa naatsorsuutigaa, ukiup ataatsip missaa qaangiuppat malinnaaffiginnineq pissaaq.

Punkt 3: Ilisimatitsissutit

Punkt 03A: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatitut tiguneqarpoq

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Januaari 2021 ilanngullugu

Ilisimatitsissut

J. nr. EMN-2021-05754

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2021-mi januaarimut tunngasuuvoq.

Inassuteqaat


Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2021-mi januaarimut tunngasuuvoq.


Suliffissaaleqisut nalunaarsorneqarnerat



1

¹ Immikkoortumi matumani suliffissaaleqisut nalunaarsorneqarnerat qaammammi tassani inuit sivisuumik suliffissaaleqisut amerlassusaat tunngavigalugu suliarineqarpoq, tamannalu pillugu qaammammi tassani suliffissaaleqisunut agguaqatigiissitsinermut sanillunneqarsinnaanani.

Suliffissaaleqineq aalaakkaasumik suli ingerlavoq. Ukiup taamaalinerani aalaakkaasuunissaa ilimagineqareerpoq. Suliffeqarnermut tunngasut piffissami tamatumani piniarnerup aalisarnerullu unikaallassimaneraniq pissuteqarput aammalu suliffeqarfiit ilaat tamakku pissutigalugit ukiuunerani suliassakiffiusarput.



Nuummi Majoriaq siunnersuinerumut, sullissinermut, piginnaangorsaaqqinnermut eqaannerusumillu suliffeqarnermut suliassa qarfinni qulaajaanermik ineriartortitsinermillu aallartitsivoq. Suliffissaaleqisut amerlasuut allanit pilersorneqarnermit sulisinnaalersinneqassapput, namminneq piginnaasaminnik atorluaasillugit suleqataalersillugit. Tamanna ingerlatsineq suliffissaaleqisunik, inuussutissarsiortunik kommunimilu suliffeqarfinnik immikkoortortanillu suleqatigiissitsilernikkut naammassineqassaaq.

Taamatut ingerlatsineq aamma Tasiilami Ittoqqortoormiinilu aallartinneqareerpoq.

Paamiut

Ukiup ingerlanerani Paamiuni suliffissaaleqisut ikiliartorsimapput. Siunnersuinerumut, sullissinermut, piginnaangorsaaqqinnermut eqaannerusumillu suliffeqarnermut suliassa qarfinni qulaajaanermik ineriartortitsinermillu suliassat pilersaarutaasut sularineqarnerat tamatumunnga pissutaaneruvoq.

Suliffissaaleqisut amerlasuut allanit pilersorneqarnermit sulisinnaalernerumut ikaarsaarnissaat suliniummi siunertarineqarpoq. Ingerlatsinermut tamatumunnga atatillugu suliffissaaleqisut, inuussutissarsiortut kommunimilu suliffeqarfiit immikkoortortallu akornanni ataatsimiititsisoqartassaaq suleqatigiillersitsisoqarlunilu.

Tasiilaq

Tasiilami suliffissaaleqineq aalaakkaanerulersimavoq. Suliffissaaleqisut ilaat tassaapput innuttaasut, pisortanik ikiorsiissutinik pisartagaqaatigalutik piffissap ilaannaani sulisartut. Innuttaasut naak piffissap ilaannaani sulisaraluarlutik suliffissaaleqisutut Majoriami nalunaarsorsimapput. Tamanna pissutigalugu suliffissaaleqisut amerlisarput. Suliffeqarnermut Isumaginninnermullu Ingerlatsivimmit qaammatini tulliuuttuni, inuussutissarsiortut suliaasarunnerat pillugu, soorlu sila pillugu il.il., piffissami aalajangersimasumi suliffillit akornanni suliffissaaleqisoqalissasoq naatsorsuutigineqarpoq.

Tasiilaq januaarimi aqutsisunit siunnersuinnermut, sullissinnermut, piginnaanngorsaaqqinnermut eqaannerusumillu suliffeqarnermut suliaasaqarfinni qulaajaanermik ineriartortitsinnermillu aallartitsisoqarnissaa siunertaralugu tikeraarneqarpoq.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut suliffittaarnissaannik innersuussisarneq suli sulissutigineqarpoq. Matumani piffissami innersuunneqarsimasunut nalunaarsuinerit tulliuuttumi takuneqarsinnaapput.

	<i>Decembari 2020</i>	<i>Januaari 2021</i>
<i>Nuuk</i>	4	4
<i>Paamiut</i>	3	9
<i>Tasiilaq</i>	0	1
<i>Ittoqqortoormiit</i>	0	0
<i>Nunaqarfiit tamaasa</i>	1	0

Taartaasussanik imaluunniit aalajangersimasumik suliffinnut amerlanerusunik innersuussisoqartalerneratigut assigiinngitsutigut suliniuteqarnerit siunissami ungasinnerusumi angusaqarfiussapput. Majoriap pisortanik sulisitsisunillu namminersortunik pitsaannerusumik suleqateqarneratigut suliniuteqarneq ilaatigut pitsanngorsarneqassaaq.


Siunissami suleqatigiinneq

Suliffeqarfinnik assigiinngitsunik suleqateqarnissaaq ilaatigut suliniutinik aaqqissuussinnermik aallartisaaleruttorfusoq aallartisaareerpoq.

Naleqqussaalluni agguataarinninnerit naatsorsorneqarneri

Suliffeqarnermut Isumaginninnermullu Ingerlatsivimmit naleqqussaalluni agguataarisarneq suli immikkut ukkatarineqarpoq. Ingerlatsivik annertuumik qulaajaanermik aallartitsivoq. Taamatut ingerlatsinikkut suliffissaaleqisut katitigaanerisa allannngortinneqarnissaat naatsorsuutigineqarpoq, matumani suliffissaaleqisut naleqqussakkani 2-miittut ikilisinneqarnissaat immikkut pineqarpoq.

Naleqqussaalluni agguataarineq 2020-mi aggustimiit 2021-mi januaarimut



Avataaniit suliaartortut naatsorsorneqarneri

Januaari 2021

Akuersissutit amerlassusii	50
Itigartitsissutit amerlassusii	0
Sivitsuinerit amerlassusii	6
Aalajangiinerit katillugit	56

Killiffik	Atorfiup taaguutaa	Amerlassusaat
Akuerineqarpoq	Eqqiaasoq	1
Akuerineqarpoq	Sullissisut	5
Akuerineqarpoq	Pisinniarfimmi sulisoq	1
Akuerineqarpoq	Immikkoortortami aqutsisoq, igaffik	2
Akuerineqarpoq	Igasoq	10
Akuerineqarpoq	Saqisoq	3
Akuerineqarpoq	Construction worker (sanasoq)	1
Akuerineqarpoq	Ruujorilerisoq	1
Akuerineqarpoq	Dump truck aquttut	1
Akuerineqarpoq	Heavy Duty Welder	1
Akuerineqarpoq	Illinnarsakkanik nerisassiorortoq	1
Akuerineqarpoq	Tunisassiorfimmi sulisoq.	14
Akuerineqarpoq	Maskiinamik assaatnik sulialik.	3
Akuerineqarpoq	Tunisassiorfimmi pisortaq	1

Akuerineqarpoq	Kakiuisartog	1
Akuerineqarpoq	Inuussutissarsiutigalugu tagiartuisartog	1
Akuerineqarpoq	Tuniniaanermi sulisoq	1
Akuerineqarpoq	Misissueqqissaarnermik sulialik	1
Sivitsuisut	Tunisassiorfimmi sulisoq.	6
Itigartitsissutit amerlassusii		0

Aaqqiissutissatut siunnersuut – suliatigut naliliineq

Naleqqussakkanut agguataarinnermik qulaajaaneq aallartinneqartog, suliffissaaleqisut katitigaanerannik allannguisog Suliffeqarnermut Isumaginninnermullu Ingerlatsivimmit maluginiarneqarpoq Suliffeqarnermut Isumaginninnermullu Ingerlatsiviup qulaajaaneq ingerlatiinnassavaa.

Suliffeqarnermut Isumaginninnermullu Ingerlatsivik inuussutissarsiortunik suleqateqarnermik siuarsarsaaniarluni illoqarfinni tamani suliffeqarfiit minnerit angisuullu ataatsimeeqatigisarpai. Suliffissaaleqisunik innersuussiniarneq kiisalu piginnaanngorsaaqqiffissanik, suliffinnik misiliiffissanik, ilinniarfissanillu neqeroorutunik ujartuisarnerit Illoqarfinni suliffissaaleqisoqarnerusuni immikkut unamminarsinnaasarmata, inuussutissarsiortunik suleqateqarnerup pitsanngorsarneratigut periarfissat pitsaanerulersinnissaat Suliffeqarnermut Isumaginninnermullu Ingerlatsivimmit naatsorsuutigineqarpoq.

Aningaasatigut sulisoqarnikkullu naliliineq
Soqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Ingerlariaqqinnissaq

Suliffeqarnermut Isumaginninnermullu Ataatsimiititaq suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik pillugu ilisimatitsissummik ataatsimiititap ataatsimiinnerani tullermi tunineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

Ilanngussaqaanngilaq.

Punkt 03B: Oqartussa qarfirmi siunertatut kiffartuussinermilu anguniakkat

Beslutning

Ilisimatitsissut tusaatitut tiguneqarpoq

Oqartussaqaarfimmi siunertatut kiffartuussinermilu anguniakkat

Ilisimatitsissut

J.nr.: EMN-2020-28920

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Oqartussaqaarfimmi ulluinnarni sulinermi innuttaasut pitsaanerpaamik sullinneqarnissaat pingaartinneqarpoq. Oqartussaqaarfimmit qaammatit pingasukkuutaarlugit siunertatut kiffartuussinermilu anguniakkat pillugit ilisimatitsissuteqartoqarpoq.

Matumani kvartalikkuaartumik ilisimatitsissummi siunertatut kiffartuussinermilu anguniakkanut tunngatillugu, maannamiit nalunaarusiorneqartartussat, allannguuteqarfigineqarput.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Oqartussaqaarfimmi angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

Suliassamik saqqummiussineq

Oqartussaqaarfimmi ulluinnarni sulinermi innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq.

Oqartussaqaarfiup matchgruppe 3-miittut iliuusissamik pilersaarusiorneqarnissaat pitsanngorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaanngitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamat periarfissaarukkaangata aningasaqarnikkut isumannaatsumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasooq iliuusissatut pilersaaruteqarnissaa piumasqaataanngilaq, innuttaasorli iliuusissamik pilersaarusiornissamat neqeroorfingineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarluarluni sullinnissaat pingaaruteqartoq misilittagarineqarpoq, tassungalu siunertamut iliuusissatut pilersaarutit sakuupput pingaaruteqarluinnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Pisortatigut ikiorsiissutinik qinnuteqaatit tamarmik ullut qulit iluanni suliarineqareersimasarnissaat pillugu immikkoortoq anguniagassanut ilanngunneqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarneri qulakkeerniarlugit malitseqartinneqartarput.

Oqartussaqaarfimmi isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasooq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pininnaasarpoq

- Sillimaffigisassaangitsunik saaffiginnilluni piffissamik inniminniinnermiit oqaloqateqarnissamut utaqqineq ullunik 14-inik sivisunerussanngilaq
- Ulluni suliffiusuni nal. 8.30-10 sisamanngornikkullu nal. 16-17 oqarasuaatikku saaffiginnittoqarsinnaavoq
- Innuttaasut utoqqaat, pitsorluttut innarluutililluunniit angerlarsimaffiitut isumaginninnermut siunnersortimit orninneqarsinnaapput.
- Isumaginninnermik Sullissivimmi isumaginninnermut siunnersorti pinartoqartillugu pigaartoq saaffiginninnermik tigooraasuusarpoq
- Qinnuteqaatit suliarineqarnissaannut utaqqineq ullunik 10-nik sivisunerussanngilaq
- Akiligassat suulluunniit piffissaatillugu akilernerqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusiorfigineqassapput
- Siusinaartumik pensionisiaqalernissamut qinnuteqaatit suliarineqartarnerisa sivikinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumaginninnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutilu. Kommunip ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisassasut (anguniagaq nutaaq)

Pisortanit ikiorsiissutisisut amerlassusiat	319
Isumaginninnermik Sullissivimmut saaffiginninnerit amerlassusiat	2947
Piffissaq eqqorlugu akiliinerit procentinngorlugu naatsorsorneqarneri	95%

Aaqqiissutissatut siunnersuut – suliaticut naliliineq

Suliffeqarnermut Isumaginninnermullu Ingerlatsivimmi Oqartussaqaarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussaqaq siunertalimmik anguniakkat kisitsinngorlugit takussutissaliortoqartassasoq.

Aningaasaticut sulisoqarnikkullu naliliinerit

Soqanngilaq.

Inatsisiticut tunngavissaq allakkallu tunngaviusumik uppersaatitallit

Soqanngilaq.

Ingerlariaqqinnissaq

Suliffeqarnermut Isumaginninnermullu Ingerlatsivimmi Oqartussaaffeqaarfiup innuttaasut tamaasa sullinneranni angusat ataavartumik naamassiniarlugit sulissuteqarpoq - matumanilu pingaartumik inuttaasut matchgruppe 3-miittut pineqarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

Soqanngilaq.

Punkt 03C: Utoqqaat Siunnersuisooqatigiivisa ataatsimiittarneri pillugit ataavartumik ilisimatitsisarnerit.

Beslutning

Ilisimatitsissut tusaatitut tiguneqarpoq

Bilag

Utoqqaat pillugit Siunnersuisooqatigiit ataatsimiinnerannit imaqarniliaq

Utoqqaat Siunnersuisooqatigiivisa ataatsimiittarneri pillugit ataavartumik ilisimatitsisarnerit.

Ulluni 24. novembari 2020, 10. kiisalu 17. februaari 2021 ataatsimiinnernit.

Ilisimatitsissut

J.nr.: EMN-2021-05683

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Kommuneqarfik Sermersuumi Utoqqaat pillugit Siunnersuisooqatigiit ulloq 24. februaari 2020-mi ataatsimiinnermit imaqarniliaq akuersissutigaa.

Ataatsimiinnermi Utoqqaat pillugit Siunnersuisooqatigiit aamma Sanarfinermut Avatangiisinullu Ingerlatsivimmit sinniisut utoqqarnut tunngassuteqartuni sanaartornissamut pilersaarutit oqaluuseraat aamma Digitalimik Sullissinermut Aqutsisoqarfimmit sulisut marluk digitalimik allakkerineq pillugu saqqummiipput.

Utoqqaat pillugit Siunnersuisooqatigiit ulloq 10. februaari 2021 aamma ataatsimiipput. matumani Kalaallit Nunaanni kinguaariit assigiinngitsut akornanni oqaloqatigiittarneq peqatigiittarnerlu pillugit suliniut ilisimatusartumit saqqummiunneqarpoq.

Ulloq 17. februaari 2021 Utoqqaat pillugit Siunnersuisooqatigiit 2017-imiit sulisimanertik nalilersorpaat. Utoqqaat pillugit Siunnersuisooqatigiit naliliinerat ingerlatsivimmi Utoqqaat pillugit Siunnersuisooqatigiinnut nutaanut pilersinneqartussanut, tassa qinersinerup kingorna pilersitsitsisoqassappat, suliaqarnerannut pingaaruteqarluinnarput.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Utoqqaat pillugit Siunnersuisooqatigiit ulloq 24. novembari 2020 tallimasaanik ataatsimiipput.

Ataatsimiinnermi Sanarfinermut Avatangiisinullu Ingerlatsivimmi pilersaarusionermut pisortaagallartoq utoqqarnut tunngasuni 2021-mi sanaartornissamut pilersaarutit saqqummiuppai. Utoqqaat pillugit Siunnersuisooqatigiit inissiat utoqqarnut naleqqussakkanik siunissami sanaartugassanut tunngatillugu kissaatiminnik piumasaaqatiminnik tunniussaqaqarput, ilaatigut inissisimavissaannut, init aaqqissuunneqarnissaannut kiisalu pingaartinneqartut. Utoqqaat pillugit Siunnersuisooqatigiitaaq kommunimi attaveqaatinut tunngatillugu tikikkuminartuunissaat pingaaruteqarluinnartoq erseqqissaatigaa. Naggasiullugu Digitalimik Sullissinermut Aqutsisoqarfimmit suliniummik aqutsisut marluk digitalimik allakkerineq pillugu saqqummiillutillu Utoqqaat pillugit Siunnersuisooqatigiinnit apeqqutinik akissuteqarput. Utoqqaat pillugit Siunnersuisooqatigiit innuttaasut utoqqaat tamarmik pisariaqartitaminnik ikiorserneqarnissaat pingaartippaat.

Utoqqaat pillugit Siunnersuisooqatigiit ulloq 10. februaari 2021 naggammik ileqquusumik ataatsimiipput (Utoqqaat pillugit Siunnersuisooqatigiit kommunalbestyrelsip qinigaaffia malillugu atuuttarmata). Ataatsimiinnermi Peqqissaanermik Ilisimatusarfimmi ilisimatusartup kinguaariit assigiinngitsut akornanni oqaloqatigiittarneq peqatigiittarnerlu pillugit suliniut ilisimatusartumit saqqummiuppaa. Utoqqaat pillugit Siunnersuisooqatigiit isumaliutigisatik arlallit saqqummiuppaat suleqatigiillunilu sulinissaq tamanit soqutigineqarpoq.

Ulloq 17. februaari 2021 Utoqqaat pillugit Siunnersuisooqatigiit 2017-imiit sulisimanertik nalilersorpaat. Utoqqaat pillugit Siunnersuisooqatigiit naliliinerat ingerlatsivimmi Utoqqaat pillugit Siunnersuisooqatigiinnut nutaanut pilersinneqartussanut, tassa qinersinerup kingorna pilersitsitsisoqassappat, suliaqarnerannut pingaaruteqarluinnarput.

Februaarimi marloriarluni ataatsimiinnerni imaqarniliat matumani ataatsimiititap ataatsimiinnissaanut tunniussivissaq sioqqullugu Utoqqaat pillugit Siunnersuisooqatigiinnit akuersissutiginnissaat angumerineqarsinnaasimanngilaq. Tassa imaappoq, ataatsimiinnerit pillugit inaarutaasumik ilisimatitsissut ataatsimiititamut ataavartumut ulloq 6. apriliip kingorna kommunimut qinersisoqareerpat saqqummiunneqassaaq.

Aaqqiissutissatut siunnersuut – suliatigut naliliineq

Utoqqaat pillugit Siunnersuisooqatigiinni ilaasortat suliaminnik pingaartitsisuupput, Suliffeqarnermut Inuussutissarsiornermullu Ingerlatsivimmut ataavartumik oqaloqatiginnittarlutik. Utoqqaat pillugit Siunnersuisooqatigiinnit suliniutit, isumassarsiat kissaatigineqartullu pillugit ataavartumik paasissutissiisarnerit politikikkut aalajangiinernut utoqqarnut tunngassutilinnut iluaqutissartaqarluartutut tapertaliunneqarsinnaapput.

Aningaasatigut sulisoqarnikkullu naliliinerit Soqanngilaq.

Inatsisitigut tunngavissaq allakkallu tunngaviusumik uppersaatitallit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat.
- Utoqqarnut Siunnersuisooqatigiit suleriaasissaat

Ingerlariaqqinnissaq

Suliffeqarnermut Isumaginninnermullu Ingerlatsivik Utoqqaat pillugit Siunnersuisooqatigiit sulinerat pillugu ataatsimiititamut ataavartumik ilisimatitsissuteqartassaaq. Imaqarniliat Kommuneqarfik Sermersuup nittartagaatigut tamanut saqqummiunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Utoqqaat pillugit Siunnersuisooqatigiit ataatsimiinnerannit imaqarniliaq 24. novembari 2020-meersoq.

Punkt 03D: Majoriaq - 2021-mi Sammineqartussat

Beslutning

Ilisimatitsissut tusaatitut tiguneqarpoq

Bilag

Kommuneqarfik Sermersuup Namminersorlutillu Oqartussat Majoriap ingerlanneqarnera pillugu angusassat pillugit 2021-mut isumaqatigiissutaat

Majoriaq - 2021-mi Sammineqartussat

2021-mi suliffeqarnermut, aqutissiuussinermut pikkorissarnernullu tunngasuni suliniutissat

Ilisimatitsissut

EMN-2021-05738

Suliffeqarnermut Isumaginninnernullu Ingerlatsivik – Pisortaq Ejner Grønvold / EJGR

Suliassamik eqikkaaneq

Suliffeqarnermut Isumaginninnernullu Ingerlatsiviup ilisimatitsissutigissavaa, Majoriap 2021-mut ingerlanneqarneranut angusassat pillugit isumaqatigiissut isumaqatiginninniutiginera naammassineqareersoq. Angusassat pillugit isumaqatigiissut kommunalbestyrelsillu suliffeqarnermut tunngasuni politikikkut anguniagai 2021-imi Majoriami sammineqartussanut sinaakkusiipput. Suliamik saqqummiussisummi matumani Suliffeqarnermut Isumaginninnernullu Ingerlatsiviup 2021-mi sammineqartussat annertunerit saqqummiutissavai.

Inassuteqaat

Suliffeqarnermut Isumaginninnernullu Ingerlatsiviup Suliffeqarnermut Isumaginninnernullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq aamma Namminersorlutik Oqartussat ukiut tamaasa Majoriap ingerlanneqarnissaanut angusassat pillugit isumaqatigiissuteqartarput. Isumaqatigiissummi Majoriaq suliffeqarnermut, aqutissiuussinermut piginnaanngorsarnernullu tunngasuni sunik suliaqassanersoq erseqqissaatigineqarpoq.

Angusassat pillugit isumaqatigiissut maannakkut kommunip suliniutai ilanngullugit tassaapput Majoriami 2021-mi sammineqartussanut toqqammavilliisut.

Pikkorissarneq

Majoriami suliassat pingaarnerit taassaapput, meeqqat atuarfianniit karakteriminnik qaffassaarusuttunik imaluunniit fagini ataasiakkaani ilinniaqqiffissanut ingerlaqqinnissaminnut angusaqaataasussanik pissarserusuttunik atuartussanik tigooraaviunissaq. Assersuutigalugu tassaasinnaapput meeqqat atuarfianni inaarutaasumik misilitsinnerit (FA-mik ingerlatat). Inuusuttunut FA-mik misilitsinnissamut suli piareersimanngitsunut, Majoriaq suliffimmi sungiusarnissamik neqerooruteqartarpoq. Suliffimmi sungiusarnermi siunertaavog sulinerit piginnaasanik ilitsersuineq.

Piorsaavimmi ingerlatassat tassaapput assassorneq igaffimmilu sulineq, taakkunani inuusuttut misilliisinnaapput soqutigisarinerlugit paasiniarlugu. Teknikkimut Avatangiisinullu Ingerlatsivik suleqatigalugu assersuutigalugu illoqarfimmi majuartarfinnik ungalunillu aserfallatsaaliinermi inuusuttut peqataatinneqarsinnaanerat eqqarsaatigalugu.

Atuartut immikkut pisariaqartitsisut (qallunaatut) oqaatsitigut inuttullu attaveqarnermut sungiusarnissaminnut Danmarkimi højskolernissaminnut periarfissaqarput. Covid-19 tamatumalu kingunerisaanik killilersuinerit pissutigalugit Danmarkimi højskolertitsinissat ajornakusuulersinneqarput. Taamaattumik 2021-mi Danmarkimut højskolertitsinissaq missingersuutinut ilaatinneqanngilaq.

Namminersorlutik Oqartussat aamma tamakkiisumik ilaannakortumillu suliniutinut aningaasaliissuteqartarput. Ilaatigut 15-iniit 18-inut ukiulinnut atuagarsornernik ingerlatsisoqanngilaq aammalu nunaqarfinni inuusuttunut sinnerfilimmik aqutissiuussisoqartarani (immaqalu inersimasunut). Namminersorlutik Oqartussat ineriartornissamut aningaasaliissutinik aamma aqutaqarput atuartut Majoriami ingerlataqarneranni kaammattorneqarnissaannut atugassanik.

Suliffissaaleqisunut suliniutit

Piginnaangorsaaqqineq pilertortumik pitsaasumillu suliassanik suliarinninnissamut atussallugu pingaaruteqarpoq. Tassuunakkut ilaatigut qulakkeerneqartarpoq, sulisut namminneq akisussaaffimminnik sullissinermilu suliassaminnik ilisimasaqarnissaat. Peqatigitillugu piginnaangorsaaqqinneq aamma sulisut sulisoriinnarnissaannut atortussaavoq. Tamatumani siunertaavoq Majoriap suliniutai aqutigalugu siunissami amerlanerusunik ilinniagaqalersitsinissaq suliffeqalersitsinissarlu.

2021-mi illoqarfinnut tamanut Majoriaqarfinnut paasititsiniaanerit tikeraarnerillu nangeqqinneqassapput. Ulluni paasititsiniaaffiusuni sulisut pikkorissartinneqassapput, aammalu pisortani namminersortunilu sulisitsisunut nukittuumik suleqateqalernissaq qitiutillugu sammineqassalluni.

Majoriami suliffissaaleqisut sulisinnaassusiat inuttullu qanoq inissisimameri qulaajarneqassapput. Matchgruppilersuineq (1, 2 imaluunniit 3) aalajangiisuulluinnarpoq, tamanut tunngatillugu suliniutit suut naleqquttuunersut paasiniarlugu. Ataavartumik matchgruppilersuinikkut Majoriaq iluaqutaasussanik pitsaasunik eqqortunik suliniuteqarnissaanut qulakkeerinniffiusaaq.

Sivisuumik suliffissaaleqisunut piginnaangorsaaqqinnissamik kommune neqerooruteqassaaq. Piginnaangorsaaqqinnermi inuit ilinniakkaminni suliffimminiluunniit killilimmik piginnaasallit ikiorneqarnissaat pineqarpoq. Piginnaangorsaaqqinnermi periarfissat tamakkerneqarsimappata, eqaannerusumik suliffeqarnissaq allatut periarfissaassaaq. Eqaannerusumik suliffeqarneq innuttaasunut suliffinni nalinginnaasumik piumasaqaatalinni peqataasinnaangitsunut sammititaavoq, aammalu kommune sulisitsisumut 50 procentimik aningaasarsiaasantut tapiissuteqartarluni.

Majoriaq suliffissaaleqisunut kiisalu siusinaartumik pensionisialinnut, sulileqqinnissamut pinnaasunut kissaateqartunulluunniit atuartitsinermik aallartitsissasoq. Suliffissaaleqisut siusinaartumillu pensionisiallit ikiorsiissutinik pisartagaqaannartutut isigineqannginnissaat pingaaruteqarpoq. Tamatumani qulaajaasarneq atortussaavoq pitsaasoq.

AMA- aamma PKU-milu suliffissaaleqisut ilinniarsimasunut ilinniarsimanngitsunullu piginnaangorsartittarnissaannut periarfissiinissaq pingaaruteqarpoq. Pikkorissarnerni arlariinni, tamatuma kingornagut suliffissaaleqisup ilinniarnermik imaluunniit suliffimmik aallartitsinissaa siunertaavoq. AMA-mi pikkorissarnerit soorlu assersuutigalugu sanaartornermut tunngasuni, takornariaqarnermut tunngasuni, akunnittarfeqarnermut tunngasuni, imarsionermullu ilinniarfimmut tunngasuni ingerlanneqartarput. PKU-mi pikkorissarnerit suliffissatut periarfissat makku iluanni ingerlanneqartarput, assersuutigalugu oqaatsinut tunngasuni, eqqiaanermut tunngasuni, takornariaqarnermut tunngasuni, aatsitassalerinermut tunngasuni, isumagininninnermut peqqinnermullu tunngasuni, eqqiaanermullu tunngasuni.

Majoriaq suliffissaaleqisunut tamakkiisumik pilersaarusiortoqarnissaanik anguniagaqarpoq. Taakkununga ilaatigut ilaapput ataasiakkaanut iliussissatut pilersaarutit ornigullunilu aqutissiuussinerit. Tamakkua saniatigut innuttaasut innarluutillit, suliffeqaannarnissamik/suliffeqarnermullu piorsaanissamik kissaateqartunik aqutissiuussinissaq sammineqarpoq.

Aaqqiissutissatut siunnersuut – suliaticigut naliliineq

Suliffeqarnermut Isumaginninnermullu Ingerlatsiviup nalilerpaa, sammineqartussatut taaneqartut Majoriami sulisunit atortussaasut pitsaasut. Aamma ingerlatsiviup naatsorsuutigaa, inuussutissarsiuteqartunik nukittunerusumik suleqateqarnikkut suliffissaaleqisunik aammalu piginnaangorsaqqiinernut sungiusarfissanillu innersuussinissamut pitsaanerisunik periarfissaqartitsinerulissasoq.

Aningaasaticigut sulisoqarnikkullu naliliinerit

Suliniutit tamarmik 2021-mut missingersuutitut naleqqussarneqarput.

Inatsitigut tunngavissaq allakkallu tunngaviusumik uppermarsaatitallit

- Suliffissanut, ilitsersuisarnernut pikkorissaaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-meersoq.

Ingerlariaqqinnissaq

Suleqatigiinnissamut isumaqatigiisummi suliniutit ataavartumik Isumaginninnermut Suliffeqarnermullu Ingerlatsivimmit malinnaaffigineqassapput aammalu pissutsinik allanguuteqartoqartillugu Isumaginninnermut Suliffeqarnermullu Ataatsimiititamat ilisimatitsisassalluni.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

- 1) Kommuneqarfik Sermersuup Namminersorlutillu Oqartussat Majoriap ingerlanneqarnera pillugu angusassat pillugit 2021-mut isumaqatigiissutaat

Punkt 03E: Nuummi pitsaaliuiniarluni angerlarsimaffinnut pulaartarneq pillugu ilisimatitsissut

Beslutning

Ilisimatitsissut tusaatitut tiguneqarpoq

Bilag

Nalunaarusiaq 2020 – Pitsaaliuiniarluni angerlarsimaffimmut pulaartarneq, Nuuk.

Nuummi pitsaaliuiniarluni angerlarsimaffinnut pulaartarneq pillugu ilisimatitsissut

Ilisimatitsissut

J.nr. EMN-2021-05536

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Suliffeqarnermut Isumaginninnermullu Ingerlatsivik innuttaasunik 75-ileereersimasunik oqaloqatiginnittarnernik 2020-mi ingerlatsivoq. Tamatumani siunertaavoq innuttaasut timimikkut piginnaasaasa pitsaassusiat annertusarniarlugu, ilaatigut angerlarsimaffianni sungiusarnerisigut ikorfartorneqarnerisigullu.

Nuummi innuttaasut 75-ileereersimasut neqeroorfigineqarnikuupput - aammalu kissaatigissappassuk - 2020-mi pitsaaliuiniarluni angerlarsimaffiinnut pulaartarnerit ingerlanneqartarlutik. Pitsaaliuiniarluni angerlarsimaffinnut pulaartarnerit innuttaasunut pulaarneqarsimasunut iluaqutaasutut nalilerneqarput taavalu 2021-imi tamanna kommunip sinneranut siammarneqassalluni.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik 2017-imili, politikikkut kissaateqartoqarnera aallaavigalugu Kommuneqarfik Sermersuumi innuttaasut utoqqaat oqaloqatigineqartarnissaannik neqeroorfigisalerpai, innuttaasut pisarialimmik pitsaaliunertalimmillu ikiorserneqarnissaat siunertarlugu. Tassunga atatillugu 2020-mi Nuummi tamassuma kingunerisai pillugit nalunaarusiortoqarpoq, ikiorsiissummik pisariaqartitsineq erseqqissaatiginarlugu.

Angerlarsimaffimmut pulaartarnerit kommunimi katsorsaasartoqatigiinnit ingerlanneqartarput. Angerlarsimaffimmut pulaarnermi innuttaasoq oqaloqatigineqartarpoq, aammalu innuttaasup pisariaqartitai nalilersuiffigineqartarlutik. Innuttaasoq suliniuteqarfigisassatut nalilerneqarpat, innuttaasoq iliuusissatut pilersaarusiortofigineqartarpoq, taavalu suliat allattorsimaffiat atuuttoq naapertorlugu ikiorserneqarnissaannik aqutissiuunneqartarluni.

Pingaarnertut killiffik:

Innuttaasunit 104-nit, innuttaasut 46-t pulaarneqarnissaminnik kissaateqarput, taavalu innuttaasut 39-t qujaannarput, peqqissuunertik tunngavigalugu, pulaarneqarnissartillu siunertaqanngitsutut tunngavilersuutigalugu. Innuttaasut tallimat najukkami taasimasaanni pissarsiarineqarsinnaasimangillat aamma/imaluunniit oqarasuaatikkut pissarsiarineqarsinnaasimangillat.

Sinneruttut sisamat ukiup ingerlanerani kommunimi allatut ikiorserneqalerput (assersuutigalugu utoqqaat illuanni) taamaasillutillu pitsaaliuiniarluni angerlarsimaffimmut pulaarneqartussatut sullinneqartunut ilaatinneqarunnaarlutik.

Ulloq 20-08-19 innuttaasut amerlassusaat	Killiffik
296	Nuup illoqarfiani innuttaasut 75-ileereersimasut amerlassusaat
192	Ikiorserneqartartut
104	Angerlarsimaffimmi pitsaaliuiniarluni pulaarneqartartussatut allassimasut
46	Pulaarneqareerput
39	Qujaannarput (Peqqissuunertik tunngavilersuutigalugu)
15	Nassarineqanngilaq
4	Piffissami tassani allatut ikiorserneqarput

Tabel 1 Nuup illoqarfiani innuttaasut 75-ileereersimasut agguataarneqarneri, immikkoortitereerneranni

Pulaartarnerit pillugit eqikkaaneq

Innuttaasunit pulaarneqartunit 46-nit sisamat timikkut sungiusaatiniq tagiartorneqartarnermilu iluaqusersuutiniq pisariaqartitsipput, imaluunniit pulaarnerup kinguinnguatiqut pajunneqarlutik. Pulaarnerni sisamaasuni puiguttortunut ataqatigiissaarisup pulaarnissaa pisariaqartinneqarpoq, innuttaasoq nammineq ornillugu (3) imaluunniit taassuma qanigisai pulaarlugit (1).

Katillugit pulaarnerit	Killiffik
46-t	
39	Ajunngilluinnartutut misigisimasut. Malitseqartitsilluni nalilersorneqanngitsut imaluunniit ikiorserneqarnissamik pisariaqartitsinngitsut.
4	Pulaarnerup kingornatiqut iluaqusersuutiniq pajunneqartut.
3 (+1)	Puiguttortunut ataqatigiissaarisunit nalilersorneqartussat.

Tabel 2 Pulaarneqareernerup kingornatiqut killiffik

Killiffik tunngavigalugu, ima eqikkarneqarsinnaavoq, innuttaasut pulaarneqarsimasut 15%-ii timikkut ikiorserneqarsimasut soorlu iluaqusersuutit eqqarsaatigalugit imaluunniit naggataartumik oqaloqatigineqarlutik, pitsaaliuinertut oqaatigineqarsinnaasumik. Innuttaasut tamarmik pulaarneqarnertik nuannaarutigalugu oqaatigaat.

Aaqqiissutissatut siunnersuutit – suliatigut naliliineq

Suliffeqarnermut Isumaginninnermullu Ingerlatsiviup nalilerpaa, utoqqarnut pitsaaliuiniarluni angerlarsimaffimmut pulaartarneq innuttaasunit akuersisunit suliniutaasoq innuttaasunut naleqassusermik pilersitsisartoq. 2021-imi upernaakkut Tasiilaq, Paamiut aamma Qeqertarsuatsiaat tikeraarneqassapput.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitalit

Soqanngilaq.

Aningaasaqarnermut Allatseqarfimmit oqaaseqaatit

Pingaaruteqanngilaq.

Oqaaseqaatit allat

Soqanngilaq.

Ilanngussat

1. Nalunaarusiaq 2020 – Pitsaaliuiniarluni angerlarsimaffimmut pulaartarneq, Nuuk.

Punkt 03F: Najugaqarnermut aningaasaliissutit

Beslutning

Ilisimatitsissut tusaatitut tiguneqarpoq

Najugaqarnermut aningaasaliissutit

Ilisimatitsissut

J.nr. EMN-2021-06308

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Suliassamik eqikkaaneq

Ingerlatsivimmi piginnaatitsinermik agguataarinissamut pilersaarut naapertorlugu inuttaasut ulloq unnuarlu najugaqartinneqarnissaannut aningaasaliissuteqartoqaraangat ataatsimiititaq ilisimatinneqartassaaq.

Kingullermik ataatsimiititap ataatsimiinneraniit, inuit innarluutillit pillugit inatsimmi §48 malillugu, innuttaasumut ataatsimut najugaqartitsinissamut aningaasaliisoqarpoq.

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq.

Suliassamik saqqummiussineq

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersumi §48-mi allassimavoq Inummut innarluutilimmut, ulloq unnuarlu neqeroorummiinnissamut kommunalbestyrelse neqerooruteqassaaq inuk pingaarutilimmik timikkut tarnikkulluunniit piginnaanikillismanini pissutigalugu ulluinnarni annertuumik imaluunniit immikkuullarissamik tapersersorneqarnissamik pisariaqartitsippat imaluunniit paaqqutarineqarnissamik, isumassorneqarnissamik katsorsarneqarnissamilluunniit pisariaqartitsippat, pisariaqartinneqartullu taakku allatigut naammassineqarsinnaanngippata.

Kingullermik ataatsimiititap ataatsimiinneraniit innuttaasumut ataatsimut najugaqartitsinissamut aningaasaliisoqarpoq.

Ingerlatsivimmi piginnaatitsinermik agguataarinissamut pilersaarut naapertorlugu Kalaallit Nunaanni avataaniluunniit najugaqartinneqarnissaannut aningaasaliissuteqartoqaraangat ataatsimiititaq ilisimatinneqartassaaq.

Aaqqiissutissatut siunnersuut – suliaticigut naliliineq

Innuttaasoq, annertuumik paaqqutarineqarnissamut pisariaqartitsisuummat, kommunimi neqeroorutaasunit iluaquserneqarsinnaanngitsaq kisiannili ulloq unnuarlu neqeroorummiinnissamut pisariaqartitsisoq nalilerneqarpoq. Inuunermilu sinnera ikiorneqarnissaminut pisariaqartitsissaaq.

Aningaasaticigut sulisoqarnikkullu naliliinerit

Neqeroorutit allat tunngavigalugu ukiumut aningaasartuutit 1 mio. koruunit missaanniissasut nalilerneqarpoq. Tamatumani innuttaasup ineriartornera akigititallu allannguutaat apeqqutaasinnaasapput.

Aningaasartuutit missingersuutit iluini akilerneqassapput.

Inatsisaticigut tunngavissaq allakkallu tunngaviusumik uppersaatitallit

- o Inuit innarluutillit tapersersorneqarnissaannut Inatsisartut inatsisaat nr. 13, 12 juni 2019-imeersaq

Ingerlariaqqinnissaq

Aningaasaliisoqarepat Isumaginninnermik Aqutsisoqarfik attavigineqassaaq, taanna Kalaallit Nunaanni avataaniluunniit neqeroorummik naleqquttumik nassaassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatsineq/attaveqaqatigiinneq
Oqaaseqaateqanngilaq.

Ingerlatsivinnit allanit oqaaseqaatigineqartut
Oqaaseqaateqanngilaq.

Ilangussat
Soqanngilaq.

Punkt 4: Aalangiiffisassat

**Punkt 5: Suliat Aningaasaqarnermut Inuussutissarsiornermullu
Ataatsimiititamut Kommunalbestyrelsimullu ingerlateqqitassat**

Punkt 6: Taasariaqartut allat

Beslutning

Knud Mathiasen (IA):

Ippassaq arnat ulluani pilluaritsi.

Rolf Pike Nadia Olsenimut atorfilittannullu suleqatigiinnermut qujanaq.

Qinigaasussat qinigaaqqinnittussallu tamassi ajunnginnerpaamik kissaappassi

Punkt 7: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 14:44